



# Тошкент оқшомми

Газета 1966 йил  
1 июлдан  
чиқа бошлаган

ШАҲАР ИЖТИМОЙ-СИЁСИЙ КУНДАЛИК ГАЗЕТАСИ

№ 80 (11.641)

Баҳоси эркин нарҳда



2010 йил — Баркамол авлод йили

## ИЖОДКОР ЁШЛАРГА ЗАМОНАВИЙ ШАРОИТЛАР

Мамлакатимизда ёш авлоднинг маънави ва жисмонан етук, билимли ва ҳунарли бўлиб камол топиши учун барча шарт-шароитлар яратилмоқда.

Пойтахтимизда «Янги авлод форуми» болалар ижодиёти марказининг янги биноси фойдаланишга топширилиши ҳам шундай сайёҳаракатларнинг намунасидир.

Дарҳақиқат, Президентимиз раҳнамолигида ўғил-қизларни юксак маънавиятли этиб тарбиялаш, бадиий дидини юксалтириш, миллий ва жаҳон санъатидан баҳраманд этиш борасида кенг қамровли ишлар амалга оширилмоқда.

«Ўзбекистон маданияти ва санъ-

ати форуми» жамғармаси томонидан 2007 йилда ташкил этилган «Янги авлод форуми» болалар ижодиёти марказида ўқувчи-ёшларнинг истеъдодларини камол топтириш, уларни қизиқиши, қобилияти бўйича йўналтириш, ёш иқтидорларни кашф этиш, қўллаб-қувватлаш ва рағбатлантириш устувор ўрин тутди. Айна кунда янада кўркам, ўзгача киёфага эга бўлган марказ биносидан болалар тасвирий санъат, миллий ҳунармандчилик, рақс, со-

## ПОЙТАХТНИНГ БИР КУНИ



зандалик, хонандалик, ахборот-коммуникация технологиялари, шахмат, хорижий тиллар, ўқув фанларининг турли йўналишлари бўйича тўғарақларда ўз билим ва кўникмаларини мустаҳкамлаш ва бойитиш имконига эга. Марказнинг ижодий-интеллектуал ривожланиш клублари, театр-студиялари ҳам фарзандларимиз билан гавжум.

«Янги авлод форуми» марказига олти ёшдан ўн олти ёшгача бўлган минг нафардан ортиқ ўғил-қизлари-

миз жалб этилган. Марказ ўқувчилари нафақат мамлакатимизда, балки Россия, Франция, Буюк Британия, Хитой давлатларида ўтказилган халқаро санъат фестиваллари, бадиий ва фото кўргазмалар, интернет танловларда муваффақиятли иштирок этиб келмоқда.

**Дилором ИКРОМОВА**  
СУРАТЛАРДА: «Янги авлод форуми» болалар ижодиёти маркази фаолиятдан лавҳалар.

Қозим Ўлмасов олган суратлар

**Мамлакатимизга ташриф буюрган Хитой Халқ Республикаси Давлат кенгаши аъзоси, жамоат хавфсизлиги вазири Мэн Цзяньчжу Ўзбекистон Республикаси ички ишлар вазири Баҳодир Матлюбов билан учрашди.**

## ҲУЖЖАТ ИМЗОЛАНДИ

Мулоқот чоғида Ўзбекистон билан Хитой ўртасидаги ҳамкорлик кўлаб йўналишлар қатори хавфсизлик соҳасида ҳам изчил ривожланиб бораётгани, бунда икки давлат раҳбарларининг учрашувларида эришилган келишувлар муҳим ҳуқуқий асос бўлиб хизмат қилаётгани алоҳида таъкидланди.

Учрашувда терроризм, айирмачилик ва экстремизм, наркотрафик ва бошқа турдаги трансмиллий уюшган жиноятчиликка қарши курашишда, минтақавий хавфсизлик ва барқарорлиқни мустаҳкамлашда ўзаро ҳамкорликни ривожлантиришга оид масалалар муҳокама қилинди.

Учрашув якунида Ўзбекистон Республикаси Ички ишлар вазири билан Хитой Халқ Республикаси Жамоат хавфсизлиги вазири ўртасида 2010-2011 йилларда ҳамкорликни ривожлантириш тўғрисида идоралараро протокол имзоланди.

(ЎЗА)

Ўзбекистон ҳукумати томонидан жорий йилнинг 24 апрель кунини Андижон вилоятининг Кўргантепа туманидаги «Савай» темир йўл бекатидан қўшни мамлакатга инсонпарварлик ёрдами жўнатилди. Инсонпарварлик ёрдами 30 тонна ун, 200 тонна минерал ўғит, 150 тонна цемент, қурилиш материаллари, кийим-кечак, дори-дармон, тиббий асбоб-ускуналар ва бошқа материаллардан иборат.

Киргизистонга инсонпарварлик ёрдами кўрсатилишини юртдошларимиз кўлаб-қувватлади. — Ота-боболаримиз бир дарёдан сув ичган, туташ ерларда дехқончилик қилган, — дейди «Нуроний» жамғармасининг Кўргантепа тумани бўлими раиси Масолли Сиддиқов. — Шунинг учун кўшнилариимизга ёрдам берили-

## КИРГИЗИСТОНГА ИНСОНПАРВАРЛИК ЁРДАМИ КЎРСАТИЛДИ

Кўни-қўшни ва дўстларга кўмак бериш, ҳамдард бўлиш халқимизга хос олижаноб фазилатлардан. Президентимиз Ислам Каримов ташаббуси билан Ўзбекистон ҳукумати жиддий зарар кўрган Киргизистон Республикасига биринчилардан бўлиб бегараз инсонпарварлик ёрдами кўрсатди.

шини биз чин дилдан қўллаб-қувватлаймиз, бунинг халқимизнинг бағрикенглигидан далолат, деб биламиз.

Дарҳақиқат, Ўзбекистон ва Киргизистон халқлари ўртасидаги дўстлик аъёнлари барқарор. Ушбу аъёнларга мувофиқ дўсту биродарларга кўмақдош бўлиш му-

қаддас бурчдир. Ҳукуратимиз томонидан Киргизистон халқига инсонпарварлик ёрдами кўрсатилгани икки халқнинг дўстлиги мустаҳкамлигини яна бир қарра тасдиқлади.

— Халқларимиз азалдан бир-бирига елкадош бўлиб келган, — дейди Киргизистон Республика-

си фавқуллода вазиятлар вазири ўринбосари Муҳаммад Қосималиев. — Ўзбекистон биринчилардан бўлиб Киргизистонга ёрдам кўлини чўзгани учун Ўзбекистон Республикаси Президенти ва ҳукуратидан беҳад миннатдоримиз.

**М.СУЛАЙМОНОВ,**  
ЎЗА муҳбири

## ДИПЛОМАТЛАРНИНГ МАДАНИЙ ФЕСТИВАЛИ

Ўзбекистон Республикаси Ташқи ишлар вазириликнинг қабуллар уйида мамлакатимизда аккредитациядан ўтган дипломатик корпус вакиллари ва маданий аъёнлар фестивали бўлиб ўтди.

Ўзбекистон Республикаси Ташқи ишлар вазирилик томонидан ташкил қилинган ушбу тадбирда АҚШ, Бангладеш, Вьетнам, Германия, Жанубий Корея, Индонезия, Италия, Малайзия, Миср, Покистон, Россия, Туркия, Туркменистон, Украина, Чехия, Швейцария, Эрон, Япония, Қозғистон, Ҳиндистон каби жами ўлтита давлат дипломатлари иштирок этди.

Ўзбекистон Республикаси ташқи ишлар вазириликнинг биринчи ўринбосари А.Комилов мамлакатимизда Президент Ислам Каримов раҳнамолигида халқлар ўртасидаги маданий алоқаларни мустаҳкамлашга алоҳида эътибор

қаратилаётганини таъкидлади. Дипломатлар ўртасида ўтказилаётган турли мусобақалар, маданий ва маърифий учрашувлар, фестиваллар халқаро муносабатларни янада ривожлантиришга хизмат қилмоқда.

— Мазкур фестиваль Тошкентдаги элчихоналар вакиллари бир жойга тўплаш баробарида турли халқлар маданияти ва урф-одатлари билан яқиндан танишиш, ҳамкасблар билан мулоқот қилиш имконини бермоқда, — деди Ҳиндистон Республикасининг мамлакатимиздаги Фавқуллода ва мухтор элчиси Манал Шах Алқадри. — Халқингиз Ислам Каримов раҳнамолигида аждодлардан қолган

бой маданий ва маънавий меросни тиклаш, асраб-авайлаш ва келгуси авлодларга етказиш борасида ҳавас қилса арзиғулик улкан ишларни амалга оширмоқда. Мадааний аъёнлар ва миллий таомлар фестивалида Ҳиндистонлик дипломатлар доимо мамнуният билан иштирок этиб келади.

Тадбирда турли мамлакатлар халқларининг маданияти, урф-одатлари, қадрият ва аъёнлари, миллий либос ва таомлари, шунингдек, Ўзбек Миллий академик драма театрида дипломатик корпус вакиллари ва маданий аъёнларнинг концертлари намойиш этилди.

(ЎЗА)

## ҚИСҚА САТРАРДА

Тошкент шаҳар ҳокимлигининг Ахборот хизмати ва ўз муҳбирларимиз хабарларидан.

✓ «ЁШЛИК» талабалар шаҳарчаси «Маънавият ва маърифат» марказида Республика репродуктив саломатлик маркази, «Соғлом авлод учун» халқаро

хайрия жамғармаси, Собир Раҳимов тумани ФХДЁ бўлими ҳамкорлигида соғлом турмуш тарзи масалаларига бағишланган давраларига уюштирилди.

✓ ШАҲРИМИЗ маданият ва истироҳат боғларида Халқ таълими вазирилик ташаббуси билан мактабгача таълим муассасаларининг тарбияланувчилари иштирокида «Баҳорой» сайиллари ўтказилди.

✓ ТОШКЕНТ Давлат шарқшунослик институтида «Томчи сузда ҳаёт маъноси» мавзусида ўтказилган давраларда талабалар, ўқитувчилар, экологлар иштирок этишди.

## ЖАҲОНДА

● Польшанинг собиқ бош вазири, жорий йилнинг 10 апрелида авиаҳалокат натижасида ҳаётдан кўз юмган мамлакат президенти Лех Качинскининг укаси Ярослав Качински шу йил 20 июнда муддатидан олдин бўлиб ўтадиган президент сайловида номзод сифатида рўйхатга олинди. Ҳозирча давлат раҳбарлигига яна икки нафар номзод рўйхатга олинган. Агарда номзодлардан бирортаси ҳам биринчи турда 50 фоиздан ортиқ овоз ололмаса, 4 июлда президент сайловларининг иккинчи тури ўтказилади.

● Панаманинг собиқ диктатори Мануэл Норвега наркомания билан ҳамкорликда айблангани ҳолда АҚШда ўзининг қамоқ жазосини ўтади. Қуни кеча Норвега Шимолий Америкадан Францияга жўнатилди. Бу ерда ҳам 72 ёшли собиқ диктатор амалга оширган бошқа жиноятлари учун қамоқ жазосини ўтайд.

● Кеча Грецияда порт ишчи-хизматчиларининг иш ташлаш акцияси уюштирилди.

● Яманда мамлакатдаги Буюк Британия элчиси ҳаётига суиқасд уюштирилди. Яъни, дипломат кетаётган кортеж яқинида террорчи-камикадзенининг ўзини портлатиб юбориши оқибатида элчи ҳеч қандай зарар етмади. Ҳозирда воқеа юзасидан текширув олиб борилмоқда ва ҳеч қандай ташкилот ушбу террорчилик ҳаракатини ўз зиммасига олгани йўқ.

● Ҳиндистоннинг шарқий қисмида бир ҳафтадан буён ноқулай об-ҳаво шароити давом этмоқда. Айниқса, шаррос қуйган жала сел оқимларини юзага келтирди. Натижада шарқий Ассам штатида 250 та қишлоқ сув тошқинлари остида қолди. Сув тошқинлари шунингдек, яна иккита штатда ҳам юз берган бўлиб, натижада 150 мингдан ортиқ одам ўз уй-жойларини ташлаб, хавфсиз жойларга кўчиришга мажбур бўлди.

● Кейинги 20 йил ичида илк бор Бағдоддан Лондонга мунтазам авиақатнов йўлга қўйилди. Эндиликда Бағдоддан Буюк Британияга қатновлар мунтазам равишда ҳафтасига икки мартадан амалга оширилади.





